

سنة لکی در سعادت ایچون مجیدیه
بکرمی غروش حسابیه التمش
غروشدر

طشره ایچون پوسته اجرتی اوله رق
اون بش غروش ضم اولنور

نسخه سی ۴۰ پاره در

قانون مجازات

آبونه اولقی ایستیلر دائره عدلیه ده
اداره مخصوصه سنه مراجعت
ایتملیدر

اعلاماتک بهرندن بر مجیدیه اخذ
ایدیلور

نسخه سی ۴۰ پاره در

هفته ده ایکی دفعه جمعه ایرتسی و چهارشنبه کونلری نشر اولنور . محتویاتی امور عدلیه به متعلقدر

توضیحات

وظائف مأموریتلری حسن ایفا ایلمکده اولمورینه
مبنی بک اوغلی بدایت محکمه سی ایکنجی جزا دائره سی
رئیس عزتو تحسین بکه ترفیعاً ثانیه صنف متمیزی و محکمه
مذکورہ اعضا سندن آرتین موسدیحیان اقدی ایله
عدلیه مکتوبی قلمی خالقاسندن عبدالرحمن جمیل وضیا
بکله ترفیعاً ثانیه صنف ثانیسی و خالقای مومی الیهمدن
رفعتو محمد جمیل و در سعادت مقاولات محرری رفیق
شوکت بکله ترفیعاً ثالثه رتبه لری توجیه بیورلمشدر .

اخطار مخصوص

مهریده محاکم عدلیه اختیار اولورق آبونه اولقی
آرزونده بولنامه ذواتک اول امرده مذکور غزته نک
برسه لک بدلتی عدلیه نظارت مبلدسی دائره سنه مهریده
محاکم عدلیه اداره سنه تسلیم و ارسال ایلعلری لازم کله چکی
اخطار اولنور .

تبلیغات

ابراهیم و عمر نام کسسه لک جرح قتلندن طولانی
اون بش سنه کورک جزاسیله محکوماً قره حصار شرقی
سنجیجی حبس خانه سنده محبوس بولان طواخه قریه لی
ذوالفقار اوغلی شاکرک معلولیتنه مبنی بقیه مدت
جزایه سندن ناشی عفو عالی به مظهریتی خصوصه
اراده مراجعاده حضرت خلافتنهای شرفصدور
بیورلمش و بر منطوق امر و فرمان هایون جناب ملوکانه
مرقومک همان اخلائی سبیلی سیواس استیناف محکمه سی
مدعی عمومیلکنه تلغرافله تبلیغ اولنمشدر .

صکره وقوعبولان تعقیبات و معاملات قانونیه منفسخ
اوله جنی و یکیدن محاکمه اجراسی اصول محاکمات جزایه
قانوننک اوچوز سکسان ایکنجی ماده سنده مصرح
ایسه ده دها بدایت مسئله ده جنحه ایله غیاباً محکوم
اولوب جنایتله متهم دیگر شریک جرم لریله برابر
جنایت محکمه سنده محاکمه لری بالاجرا غیاباً محکوم
اولان اشخاص حقلرنده محکمه جنایتدن ویریلان
اعلاماتک تابع تبلیغ و اعتراض اولوب اولمدیغی حقنده
تردد حاصل اولدیغندن بحثله استفسار معامله ده دائر
قوصوه استیناف محکمه سی مدعی عمومیلکندن وارد
اولان تحریراته . جنایت محکمه سنجه غیاباً محاکمه لری
اجرا قلنان متهمینک مجازات ترهیدیه ایله محکومیتلری
محتوی اولان اعلاماتک صورت اعلان و تبلیغیه محاکمه
و جاهیه اجراسنه منتهی شرائط اصول محاکمات جزایه
قانوننک اوچوز یتش سکر و اوچوز سکسان ایکنجی
ماده لرنده مندرج اولوب جنایتله اتهام اولنوبده محاکمه
غیابیه لری نتیجه سنده مابه الاتهامی اولان فعلک جنحه
درجه سنده کوریله رک اولوجهله محکوم ایدیلان اشخاص
حقلرنده کی احکام غیابیه ایله . برجنایتله مشترکاً ایقاع
اولنمسندن طولانی محاکمه سی توحید ایدیلان و مظنون
علیله لری حقلرنده غیاباً محاکمه اجراسیله حکم اعطا
قلنان مواده متعلق اعلاماتک احکام جنایتله کی شخص
غائبک در دست حالنده منفسخ اوله میوب مقررات
مذکورنک کان لم یکن عدی قانون مذکورک یوز
یتش برنجی ماده سنده کوسریلان صورت دائره سنده
اعتراض علی الحکم استدعاسی اعطا و شرائطی ایفا
ایتمکله مشروط بولندینی جوابی انجمن عدلیه افاده .
سیله ذکر اولنان مدعی عمومیلکه تبلیغ ایدلمشدر .

ضبط کاتبی و اعضا ملازمی کی اجزای محکمه دن
اولان مأمورلرک اجرای محاکمه سی چون تشکیل محاکم
قانونی موجبیه تشکیل ایدن محکمه ده رئیس اولک
بولوب بولنیه جنی حقنده معموره العزیز استیناف
محکمه سی مدعی عمومیلکندن وقوعبولان اشعاره .
اجزای محکمه دن اولان بر مأمورک اجرای محاکمه .

سیچون تشکیک ایده جک محکمه رئیس اولک ریاستی
آلنده بولنیه جنی جهتله بو بایده تردده محل اولمدینی
جوابی ویرلمشدر .

دیون عمومیه اداره سی طرفندن اقامه اولنان اینقی
و مسکرات دعواسندن ناشی محکوم اولان اشخاصک
محکوم به جزای تقدی بی ایفا ایتمامسندن طولانی
محکوم اداره قرار به حبس ایدلدکن صکره جزای تقدی
مذکور ایچون تکرار اجرا قانونی احکامنه توفیقاً
مدیون محکومک اموال و اشیا سنه مراجعت جائز و یاخود
بعد الحبس جزای تقدینک ساقط اولوب اولیه جنغه
دائر جزا قانوننک اوتوز یدنجی و اوتوز طقوزنجی
ماده لرنده صراحت اولمدیغندن حبس اولنان اشخاصک
اموال منقوله و غیر منقوله لرینک حجر و فروختی صو .
رتیله محکوم به جزای تقدینک استحصالنه مساع
اولوب اولمدینی حقنده قونی استیناف محکمه سی مدعی
عمومیلکندن وقوعبولان اشعاره . بر مدیون دیون
محکومه سندن طولانی حبس اولنسه بیله ایفای دینه
قدر داین آنک مالندن استیفای حق ایده بیله چکی
اجرا قانوننک اوتوز طقوزنجی ماده سنده مصرح
اولدیغه کوره ماده مذکوره موجبیه محکوم علیک
حبسی محکوم لیک استیفای حقنه مانع اوله میه جنی
جوابی اعطا قلمشدر .

محاکمات و مقررات

خداوندکار ولایتی مرکزینه تابع کورکله قریه سی
اهالیسندن حاجی ارکیروسک کیفیت قتلندن طولانی
جنایتله اتهام اولنام قریه مرقومه لی حاجی یورکی ولد
آنسطاشک اون بش سنه مدته کورکله قولنسنه دائر ولایت
مذکور استیناف محکمه سی جزا دائره سندن اعطا
اولان یکرمی آلتی نومرولی اعلامک ۱۹ مایس ۳۱۷
تاریخنده تصدیقه

طورتان قریه لی حسین ورفقاسنک معلوم المقدار
نقود و اشیا لرینی اخذ و غصب ایتدکری ادعا اولنمسندن

واشیارنی اخذ وغصب وعسکر فراریسی حسن بن مصطفائی قتل ایتدکری ادعاسیله متهم بولنان قویه قریه لی استوبو ولدیرتونک اون بش سنه مدته کورکه قونلشنه وطراپو ولد متره نك برائنه دأثر سلانیک ولایتی استیناف محکمه سی جزا دأثره سندن ویریلان ۲۱ نومرولی اعلامک ۱۸ اغستوس سنه ۳۱۷ تاریخنده تصدیقه

ساعتی خرستو و آغزلقجی عثمان و اماعیل اوسته لرله قیوچی قهره بت و سلاجی سیمونکی و توتونچی و کاغدجی محمد علیک دکانلرندن معلوم الاسامی رفقاسیله اشیا سرقت ایتدیکی ادعا قلمسندن طولانی متهم بولنان دبره لی حسن بن صالحک اوج یچق سنه مدته کورکه قونلشنه دأثر درسعادت جنایت محکمه سندن اعطا قلنان ۱۲۷ نومرولی اعلامک ۶ ایلول سنه ۳۱۷ تاریخنده تصدیقه

محمدعلی عثمان و محمد چاوش و سائرته نك تواریخ مختلفه ده نقود و اشیارلرنیک اخذ و غصبندن طولانی جنایتله اتهام بولنان وادی العجم قضاسنه مربوط بین حسین قریه سنده مقیم صالحه محله لی سلیمان بن مصطفی شیخان و حاجی محمد بن عثمان کردی و محمد علی بن ماردینک بش سنه مدته کورکه قونلرنه دأثر سوریه ولایتی استیناف محکمه سی جزا دأثره سندن ویریلان ۷۷ نومرولی اعلامک ۶ ایلول سنه ۳۱۷ تاریخنده تصدیقه

بصره نك ام الدجاج محله سندن سعیده بنت صباح نام قادینک ضرباً اسقاط چین ایه و فائنه سبیت ویردیکی ادعاسیله متهم بولنان ملاح عباس بن شیکک بش سنه مدته کورکه قونلشنه دأثر بصره ولایتی مرکز بدایت محکمه سی جزا دأثره سندن ویریلان ۲۴۳ نومرولی اعلامک ۶ ایلول ۳۱۷ تاریخنده تصدیقه

قیون تجارندن دیاربکرلی حسن بن حسین و بیروتنلی حسین ظاهرک معامله جبر و شدت اجراسیله قیونلرنی اخذ و سرقت ایلدکری ادعا قلمسندن طولانی جنایتله متهم بولنان احمد بن اسماعیل دوبیه و داود ققیله و سلیمان حدیثه و علی بن رمضانک اوچر سنه مدته کورکه قونلرنه دأثر لاذقیه سنجانجی بدایت محکمه سی جزا دأثره سندن ویریلان ۶۱۷ نومرولی اعلامک ۱۹ ایلول سنه ۳۱۷ تاریخنده تصدیقه

شکرینک کیفیت قتلندن طولانی جنایتله اتهام بولنان هوا غازی شرکتی عمله سندن آستانه لی جال بن عبداللهک فعل قتل مدافعه و محافظه عرض یولده ایقاع ایلدیکی آکلاشلدیغندن جزادن معافیته دأثر درسعادت جنایت محکمه سندن ویریلان ۶۰ نومرولی اعلامک ۱۸ تشرین اول سنه ۳۱۷ تاریخنده تصدیقه

محکمه تمیز جزا دأثره سنجه قرار ویرلمشدر.
۲۸ ایلول سنه ۳۱۵ تاریخنده درسعادت جنایت محکمه سندن ویریلان اعلامدر:

اوچیوزاون آلتی سنه جاذی اولنک اون سکرنجی صالی کیجه سی خاصکوبده آراهه جیلرده ژاندارمه افراندن عارف نام دیگر رائفی صورت و حشیانه ده اچمه سی سرقت قصدیه قتل ایلدکری ادعاسیله مظنون علیهما اولان عمر بکرلی اون سکر باشند اولوب خاصکوبده آراهه جیلرده یهودی مکتبده بکجی محمدک باشند اقامتله حاملق ایدن حسن بن مصطفی و عمر بکرلی اولوب یکریمی آلتی باشند بولنان و مذکور مکتبده اقامتله بکجیلک ایدن محمد بن اسعدک جنایتله اتها - مارینه دأثر هیئت اتهامیه دن تنظیم قلنان مضبطه ایه استیناف مدعی عمومیلکنک ۳ کانون اول سنه ۳۱۴ تاریخ و ۶۸۹۰ نومرولی اتهامنامه سی اوراق متفرعه - سیله برابر محکمه جنایتله تودیع قلمغله بالمطالع - تفصیلاتی اولباید طویلان ضبطنامه ده مندرج اولدینی وجهله اصول محاکمات جزایه قانوننک یاب نایسنک فصل رابعده محرر معاملات ابتدایه بعدالایفا ماه من بوزک یکریمی برنجی بازارارتمی کونی متهمان مرقومان توقیفخانه دن کتور دیلرک وکیلاری اندونیان مقرر دیچ و استپان افندیلر موکلارنیک یانلرنه اولدقلری و مدعی عمومی معاولرندن ممدوح بک و مقتولک برادری سینوبلی حسن بن حسین حاضر بولندقلری حالده محاکمه علیه یه مبادرت و اتهام مضبطه سیله اتهامنامه ضبط کاتبی سلیمان افندی طرفندن قرائت اولندی.

مذکور مضبطه ده مظنون علیهما حسن و محمدک تصور و تصمیم ایه ژاندارمه رائفی قتل و اچمه سی دخی سرقت ایتدکری حقده اوراق تحقیقه مندرج صورت افاده و اقرارلری و اخبارات و دلائل و امارات اتهاملرنه کافی کورلمش و حرکت واقع لری قانون جزانک یوز یمش دردنجی ماده سنک فقره اخیره سی حکمتی مستلزم افعال جنایه دن بولنش اولدیغندن جنایتله اتهاملرنه قرار ویرلیدی محرر و اتهامنامه ده دخی مرقومانک مضبطه مذکورده مندرجاتی وجهله اتهام ایلدکری مسطر در.

اتهامنامه نك خلاصه سی مقام ریاستدن متهملره تفهیم و انبا و معاون مومی الیه جانبندن دخی تشریح دعوی اولندقدن سکره متهملر سولتدیرلرکده بولنردن حسن، وقعه کیجه سی خاصکوبده اسکله ده یگ ییه رک ساعت بر یچق راده لر نه محل مذکورده آراهه جیلرده کائن موسوی مکتبته کیدوب ساعت ایکی قرارلرنده

بولیس خلیل افندی به اطاله لسان ایدن ایلدیکی پترو ولد دیمتریدن ایکی لیرا جزای نقدی اخذینه آقتریس روزی ضرب ایدن بک اوغلنده تیونی زقاغنده ساکنه ماری بنت یورکیدن برلیرا آلوب مضروبیه ویرلسنه

قاضی قریه سنده اسکیکیلک ایدن ارضروملی محمد اغانک داویدی ضرب ایلدیکی تحقیق ایلدیکندن برهفته حبسنه

یکدیگرینی ضرب ایدن اسکدارده اولیا خواجه محله سنده ساکن محمد اغانک برهفته و دامادی حسنک اون کون حبسلرنه

زوجه سی صوفیه قادنی ضرب ایدن یکی محله ده مقیم نیقولاک افندی ایلدیکی مجیدی آلتونی آلهرق مضروبیه اعطاسنه

هکبلی اطه ده ساکن فارچی احمدک تیور یولی بکچیلرندن عثمان اغانک کلبه سندن اشیا سرقت ایلدیکی تحقیق ایتدیکندن اوج آی حبسنه و ختام مدتنده ضبطه جه کفالت آلتنه آلمشنه و اشیا ی مسروقه نك دخی صاحبنه اعاده و تسلیمنه

محمدی ضرب ایدن اسکدارده دباغر محله سنده ساکن مرتب علی افندی برمجیدی آلتونی آلهرق مضروبیه ویرلسنه

مضاربیه ایتدکری اصولاً ثابت اولان پارمقلقجی حسنک یکریمی کون و قوطوجی احمد اوسته نك بر هفته حبسلرنه

قصاب چراغی وانکی ضرب ایدن آراهه جی صالحک برهفته حبسنه

باغچی علیکساندیرونک کوفه جی تیموری ضرب ایلدیکی تحقیق ایتدیکندن کندوسندن برمجیدی آلتونی آلهرق مضروبیه ویرلسنه

صیواجی یورکینی ضرب و جرح ایدن قلمکار اوسب نام شخصک ایکی آی حبسنه

کمرک مأموری احمد افندی به معامله تحقیریه ده بولنان بارکیر سوریمیدی حسین بن علیدن بر آلتون جزای نقدی اخذینه

قوری چشمه ده ساکن طاشچی سلیمان افندی نك خانه سندن باقر سرقت ایلدیکی ادعاسیله مظنون علیه اولان حال محمدک اوج ماه حبسنه و برسنه ضبطه جه کفالت آلتنه آلمشنه

صغوق چشمه ده لالا خیرالدین محله سنده بلا نومرو دکانده اجرای تجارت ایدن بقال اصافندن قسطنطنیه ضرب و اطاله لسان ایلدیکی ادعا اولمسنندن طولانی مظنون اولان صغوق چشمه موقعه ده مستخدم ژاندارمه چاوشی حسین اغا حقننده جریان ایدن محاکمه نتیجه سنده حسین چاوشک قسطنطنیه اطاله

لسان ایلدیکی آکلاشیه میوب فقط ضرب ایلدیکی شهادتله ثابت اولدیغندن حسین چاوشندن بر عدده مجیدی آلتونی آلوب قسطنطنیه اعطاسنه

قره کمرکده آجی چشمه قرینده دکرمان زقاغنده اون نومرولی خانه ده ساکن بر چوجفک مجروحیتنه سببت ویردیکی ادعا اولمسنندن طولانی مظنون اولان اوچجی دأثره نك یوز طقسان ایکی نومرو سنده مقید آراهه جی طرفنوله جانب بن مسعودک دقتسزلک و نظامانه رعایتسزلک اثریه مرقوم چوجفک مجروحیتنه سببت ویردیکی شهادت و معاینه راپوریه ثابت اولدیغندن ایکی آی حبسنه

یکی جامعده اسکیکجی طورمشی ضرب ایلدیکی ادعا اولمسنندن طولانی مظنون اولان محل مذکورده اسکیکجی رجبک حرکتی شهادتله ثابت اولدیغندن مرقومک برهفته حبسنه

طاهه دن محمد صفوت افندی به اجرای وظیفه حائده اطاله لسان ایلدکری ادعاسیله مظنون اولان بولیس علی افندی ایه ژاندارمه شعبانک حرکتلری شهادتله ثابت اولدیغندن علی افندی نك اطاله لسانه جرأنی سبب شدت عدلیه یکریمی کون و شعبانک اون بش کون حبسلرنه

ادرنه قیوسی چوارنده آجی چشمه ده قهوه جی دکائینک حسنی رئیس اطاله لسان ایتدیکی شهادتله ثابت اولدیغندن مرقومک اوج کون حبسنه

چارشوی کیرده اورنجیلر جاده سنده جمال افندی نك مغازه سندن شال سرقت ایتدیکی و اجرای وظیفه حائده بولیس چاوشی حق افندی نك تحقیر ایلدیکی ادعا اولمسنندن طولانی مظنون اولان حال شیرولی حسن بن مصطفانک حرکات واقعیه سی شهادتله ثابت اولدیغندن حقارته جرأنک سبب شدت عدلیه اوج یچق آی حبسنه و ختام مدتنده ضبطه جه کفالت آلتنه آلمشنه

خواجه پاشاده مناولق ایدن کنترلی قدری بن مصطفانک کنترلی صادق بن محمد ایه الوان محله سی بکچیبی دیاربکرلی محمد اغانی ضرب ایلدیکی آکلاشله یغندن یکریمی کون و مرقوم قدری نك ضرب ایدن صادق دخی اون کون حبسلرنه

فاتح جوارنده قاضیسکر محمد افندی محله سنده درت نومرولی خانه ده ساکنه جراح صالح افندی نك زوجیه سی خیره خانمک معمار سنانده ساکنه حوریه خانم اطاله لسان ایتدیکی ثابت اولدیغندن یارم مجیدی آلتونی جزای نقدی اخذینه

ایوبده کوش صوبنده زینب خاتون محله سنده مقیم شمیل احمد افندی نك دیپلومه سز اجرای طبابت ایلدیکی اقراریه لی ثابت اولدیغندن طبابت بلدی نظامند مهنک برنجی و اون ایکنجی ماده لرنه توفیقاً کندو

سندن ایلک دفعه اولمق اوزره ایکی آلتون جزای تقدی اخذینه

قومقپوده قزغانی سعدی محله سنده ساکنه مریمی ضرب ایدن طلومبه جی قریس ولد بغوصندن برعدد مجیدی آلتونی آلتوب مضروبیه اعطاسنه

پولیس مرکزنده مستخدم پولیس مظلوم افندییه حقارت ایلدیکی ادعا قلنان ترزی روسه لی میخالدن برعدد مجیدی آلتونی جزای تقدی اخذینه

پانقالتیده قهوه جی چراقلی ایدن قره بت ولد ماردیروسک التنجی دائره بلدییه چاوشلرندن حسنی افندیی اجرای مأموریت حالنده ضرب و جرح ایلدیکی ثابت اولدیغندن التی ماه حبسنه

بك اوغلنده طوغری یولده خرستاکي خاننده قپوجی میخال ولد واسیلک بك اوغلی متصرفلق دائره سنده مستخدم پولیس محمد جمال افندیی تحقیر ایتدیکی کلاشلدیغندن برلیرا جزای تقدی ایلک محکومیتنه مالک محروسه شاهانه یه دخولی ممنوع غزته ادخال ایلدیکی ثابت اولان حال باغدا صاردن بش بشلک جزای تقدی اخذینه

میخانه جی واسیلک اموال منقوله سنه ایراث خسار ایدن یونان دولتی تبعه سندن صندالچی طو دوری ولد واسیلدن اون بشلک جزای تقدی اخذینه درسعادت . بك اوغلی واسکدار بدایت محکمه لری برنجی وایکنجی جزا دائره لرینجه قرار ویرلمشدر .

طرابلس غرب ولایتی استیناف محکمه سی جزا دائره سی رئیس سابق ابراهیم حق افندی ایلک محکمه مذکوره مدعی عمومی سابق عاطف بک انجمن انتخاب مأمورین عدلیه جه جواز استخدا ملرینه قرار ویرلمشدر .

اعلانات

محکمہ تجارت اجراء دائره سنده :

احمد رائف افندییه اولان دین محکومینک تسویه سیچون صلاح الدین افندی کدک پاشاده بالی پاشا جاده سنده سکز واون درت نومرولرله مرقر وشهری برر بحق لیرا ایجاره متحمل حرمین کدکا تندن ایکی باب حلاج وعطار دکانلرنده آلتیشر سهم اعتباریه متصرف اولدیغی برر حصه لری بوندن اقدام موقع مزایده یه قونیله رق حصص مذکوره عثمانی لیرای یوز غروش حسابیه ایکی بیک غروشده طالبی عهده سنده قالمش اولغله قرار موقتی ویرلمش وتاریخ اعلاندن اعتباراً اوتوز برکونه یعنی کله جک

کانون ثانیکن دردنجی جمعه کونی ساعت اونه قدر یوزده بش ضم قبول اولمنسی و ذکر اولنان یوم ووقته صوک مزایده سی بالاجرا قرار قطعینی ویر یلهرک طالبی عهده سنده کچورلمسی مقرر بولنش اولد یغندن و آندن صکره هر نه ضم وقوعبولور ایسه قبول اولمیه یغندن حصص مذکورینی یوزده بش ضم ایلک اشترایه طالب اولانلرک ودها زیاده معلومات آلق ایستیانلرک بدل مزایده نک عشرینه مساوی پی آچه سیله برابر صوک مزایده کونسند املاک مذکوره پیشکاهنده بولملری محکمه تجارت اجرا مأموریتندن اعلان اولنور .

بك اوغلی بدایت محکمه سی اجراء دائره سنده :

میقائیل آغوبیان افندیکن آلبرت روزنطال ذمتنده محکوم به آلاجنی اولان معلوم المقدار مبالغت استیفاسی ضمنتده مدیون مرقومک برعدد کیر آینه و برعدد کیر یلک بوفه سی و برعدد صغیر تپسی و بر عدد جویزدن معمول آینه لی کیر اثواب طولابی و برعدد کیر آینه و برعدد جویزدن معمول آینه و برعدد جویزدن معمول صغیر اثواب طولابی و او زرلری خالی قاپلامه لی آلتی عدد صندالیه و برعدد قولتق و برعدد قنابه و برعدد آتیقه زره باشلقی و برعدد مرمرلی قونسول و برعدد جویزدن معمول بیوک قاریوله و درت عدد کوشه لک و برعدد اورته چاپده آینه و دیگر صغیر آینه و برعدد قطیفه دن معمول آفاقق و برعدد سفره و برچفت آلتیشر یاشنده طوری رنگده آرابه حیوانلریله برعدد کیر قوپه آرابه سی مع قوشوم شهر کانون اولک یدنجی جمعه کونی ساعت بش راده لرنده بك اوغلنده انکلتزه سفارتخانه سی جوارنده و بازار ایرتسی کونی حیوانلر ایلک آرابه نک استانبولده آت بازارنده بالمزایده فروخت اولنه جنی بك اوغلی اجرا مأموریتی جانبندن اعلان اولنور .

اعلامات نظامیه اجراء دائره سنده :

مارکریتیه قادیکن با اعلام نظامی آباق ترجمانی حاجی آپوستول ولد سیمون ذمتنده آلاجنی اولان مبالغ معلومه نک تأمین استیفاسی ایچون محجوز و فروختی محکوم بولنان قومقپوده چادرچی احمد چلی محله سنده بویاجی زقاغنده واقع تخمیناً طقسان آرشون عرصه اوزرینه مبنی آلتنده بر بودرومی حاوی درت قاتدن عبارت درت اوطه و بر مطبخ و برقیو وایکی آبدستخانه و آرقه جهتنده یکرمی آرشون مقداری آرائلی حاوی یدی نومرولی خانه نک اوتوز سهم حصه شایعه سنک تاریخ اعلاندن اعتباراً اون بش کونه قدر

بالمزایده فروخته تشبث اولنه جنی درسعادت اعلامات نظامیه اجرا دائره سندن اعلان اولنور .

حاجی حسن افندیکن با اعلام دیمتری ذمتنده محکوم به آلاجنی اولان مبالغدن طولابی حیز آلتیه آلدیریلان بلاطده حاجی عیسی محله سنده محکمه آلتی جاده سنده فوقده ایکی باب اوطه یی حاوی درت نو مرولی بر باب فرون و مشتملاتندن یوز یکرمی سهم اعتباریه مدیون مرقومک متصرف اولدیغی اون بش سهم حصه سی بالمزایده لیرای عثمانی یوز غروش حسابیه ایکیدیک یوز غروشده طالبی عهده سنده تقرر ایدره رک موقتاً قرارداده سی کشیده قلنمش اولدیغندن یوزده بش ضم ایلک طالب اولانلرک اوتوز برکون طرفنده پی آچه لرله برابر درسعادت اعلامات نظامیه اجرا دائره سنده مراجعت ایللری اعلان اولنور .

عایشه خانمک با اعلام نظامی حاجی شمس الدین افندی ذمتنده محکوم به آلاجنی اولان مبالغت تأمین استیفاسیچون مدیون مومی الیهک عهده سنده اولوب حیز و فروختی قرارلشدیریلان بك اوغلنده آینه لی چشمه ده قر خاتون محله سنده پایتیه زقاغنده واقع تخمیناً آلتیش آرشون عرصه اوزرینه مبنی فوقانی و تحتانی درت اوطه دن عبارت درت نومرولی و شهری یدی مجیدی ایجار کتوریر کارکیر بر باب خانه نک ربع حصه سی بالمزایده لیرا عثمانی یوز غروش حسابیه ایکی بیک بشیوز غروش بدل ایلک طالبی عهده سنده تقرر ایدره رک موقتاً قرارداده سی کشیده قلنمش اولد یغندن یوزده بش ضم ایلک طالب اولانلرک پی آچه لرله برابر اوتوز برکون طرفنده درسعادت اعلامات نظامیه اجرا دائره سنده مراجعت ایللری اعلان اولنور .

حاجی حسین اغانک قیصری بدایت محکمه سی حقوق دائره سندن اعطا قلنان اعلام موجبجه کوسه پاوی زوجه سی التی قادین ذمتنده کی آلاجنک تأمین استیفاسیچون مدیونه طرفندن آخره وفاء مفروغ اولوب بدل رهنک فضله سندن تسویه دین اولنق اوزره فروختی قرار لشدیریلان صاری تیمور محله سنده کراسته جیلرده چوپلک اسکله سنده واقع تخمیناً اوچیوز اون ایکی آرشون عرصه اوزرینه مبنی طقوز نومرولی بر باب کراسته جی دکاننک یوز یکرمی سهم اعتباریه یوز بش سهم حصه نک اون بش کون صکره بالمزایده فروخته تشبث اولنه جنی درسعادت اعلامات نظامیه اجرا دائره سندن اعلان اولنور .